

## LÖG

### um Vísinda- og nýsköpunarráð.

FORSETI ÍSLANDS

*gjörir kunnugt:* Alþingi hefur fallist á lög þessi og ég staðfest þau með samþykki mínu:

1. gr.

*Markmið.*

Markmið laga þessara er að efla stefnumótun og samhæfingu á sviði vísinda, tækniþróunar og nýsköpunar hér á landi svo að styrkja megi íslenskt þekkingarsamfélag og auka samkeppnishæfni íslensks atvinnulífs.

2. gr.

*Hlutverk og skipan.*

Vísinda- og nýsköpunarráð starfar sjálfstætt og fjallar um stöðu vísinda, tækniþróunar og nýsköpunar á Íslandi með tilvísun til alþjóðlegrar þróunar í stefnumótun á sviðinu, auk þess að vera ráðherra nefnd um vísindi og nýsköpun og ráðherra sem fer með málefni vísinda og nýsköpunar til ráðgjafar. Vísinda- og nýsköpunarráð skal vinna að því að efla samfélags- umræðu um vísindi, tækniþróun og nýsköpun með fagleg og lýðræðisleg sjónarmið að leiðar- ljósi.

Ráðherra skipar, í samráði við ráðherra sem fer með málefni vísinda og nýsköpunar, níu fulltrúa í Vísinda- og nýsköpunarráð til fjögurra ára í senn á grundvelli tillagna tilnefningar- nefndar, sbr. 5. gr., þar af einn sem formann ráðsins. Varamenn skulu tilnefndir og skipaðir með sama hætti. Ráðherra leggur tillögu um skipan ráðsins fyrir ráðherranefndina til kynn- ingar.

3. gr.

*Stefnumótun.*

Ráðherranefnd um vísindi og nýsköpun, sbr. 4. mgr. 9. gr. laga um Stjórnarráð Íslands, nr. 115/2011, samræmir stefnu stjórnvalda á sviði vísinda, tækniþróunar og nýsköpunar. Samræmda stefnu stjórnvalda skal birta í tvennu lagi, annars vegar framtíðarsýn til tíu ára sem endurskoðuð skal á fjögurra ára fresti og hins vegar aðgerðaáætlun til tveggja ára í senn. Ráðherranefndin skal að jafnaði halda tvo fundi árlega með Vísinda- og nýsköpunarráði.

Vísinda- og nýsköpunarráð skilar árlega skýrslu til ráðherra og ráðherra sem fer með málefni vísinda og nýsköpunar. Í skýrslunni skal fjallað um stöðu málaflokksins hér á landi í alþjóðlegu tilliti, um stefnumótun stjórnvalda og framfylgd hennar og helstu samfélagslegu áskoranir. Ráðherra sem fer með málefni vísinda skal leggja skýrsluna fram á Alþingi.

## 4. gr.

*Umsýsla.*

Ráðuneyti sem fer með málefni vísinda fer með faglega umsýslu fyrir ráðherranefnd um vísindi og nýsköpun, undirbýr fundi Vísinda- og nýsköpunarráðs og ráðherranefndar og sinnir öðrum verkefnum sem tengjast stefnumótun, svo sem öflun upplýsinga og greiningu.

## 5. gr.

*Tilnefningarnefnd.*

Hlutverk tilnefningarnefndar er að tilnefna fulltrúa til skipanar í Vísinda- og nýsköpunarráð. Við tilnefningu fulltrúa í ráðið skal tilnefningarnefnd hafa hlutverk ráðsins að leiðarljósi og leggja áherslu á að það sé skipað fólki með yfirgripsmikla þekkingu og reynslu á sviði vísinda, tækniþróunar og nýsköpunar.

Ráðherra skipar, að höfðu samráði við ráðherra sem fer með málefni vísinda og nýsköpunar, fimm einstaklinga í tilnefningarnefnd, tvo samkvæmt tilnefningu samstarfsnefndar háskólastigsins, einn samkvæmt tilnefningu Samtaka atvinnulífsins, einn samkvæmt tilnefningu samtaka launafólks og einn án tilnefningar og skal hann vera formaður.

## 6. gr.

*Reglugerðarheimild.*

Ráðherra er heimilt með reglugerð að setja nánari ákvæði um framkvæmd laga þessara, þar á meðal um starfsemi og skipulag Vísinda- og nýsköpunarráðs og tilnefningarnefndar.

## 7. gr.

*Gildistaka.*

Lög þessi öðlast gildi 1. apríl 2023. Við gildistöku þeirra falla úr gildi lög um Vísinda- og tækniráð, nr. 2/2003.

## 8. gr.

*Breytingar á öðrum lögum.*

Við gildistöku laga þessara verða eftirfarandi breytingar á öðrum lögum:

1. *Lög um opinberan stuðning við vísindarannsóknir, nr. 3/2003:*
  - a. Í stað orðanna „Vísinda- og tækniráðs“ í 3. málsl. 2. gr., 3. málsl. 6. gr., 2. málsl. 6. gr. a, 1. málsl. 2. mgr. 6. gr. b, 3. málsl. 6. gr. d og 4. málsl. 7. gr. laganna kemur: ráðherranefndar um vísindi og nýsköpun.
  - b. Eftirfarandi breytingar verða á 4. gr. laganna:
    1. Í stað orðanna „vísindanefndar Vísinda- og tækniráðs“ í 1. málsl. 1. mgr. og 6. mgr. kemur: Vísinda- og nýsköpunarráðs.
    2. Í stað orðanna „vísindanefnd Vísinda- og tækniráðs“ í 2. málsl. 1. mgr. kemur: Vísinda- og nýsköpunarráði.
  - c. Eftirfarandi breytingar verða á 5. gr. laganna:
    1. Í stað orðanna „Vísindanefnd Vísinda- og tækniráðs skipar fagråd Rannsóknasjóðs“ í 1. málsl. 1. mgr. kemur: Stjórn Rannsóknasjóðs skipar fagråd sjóðsins.
    2. Í stað orðsins „Rannsóknasjóði“ í 1. málsl. 1. mgr. kemur: sjóðnum.
    3. Í stað orðsins „Vísindanefnd“ í 2. málsl. 1. mgr. kemur: Stjórnin.

4. Í stað orðanna „Vísinda- og tækniráð og undirnefndir þess“ í 3. másl. 1. mgr. kemur: ráðherranefnd um vísindi og nýsköpun og Vísinda- og nýsköpunarráð.
  5. Í stað orðanna „Vísinda- og tækniráði“ í 2. másl. 2. mgr. kemur: Vísinda- og nýsköpunarráði.
  - d. 1. másl. 6. gr. laganna orðast svo: Vísinda- og nýsköpunarráð markar úthlutunarstefnu Rannsóknasjóðs samkvæmt áherslum ráðherranefndar um vísindi og nýsköpun.
  - e. Í stað orðanna „Vísindanefndar og tækninefndar Vísinda- og tækniráðs“ í 1. másl. 1. mgr. 6. gr. b laganna kemur: Vísinda- og nýsköpunarráðs.
  - f. Eftirfarandi breytingar verða á 6. gr. c laganna:
    1. Í stað orðanna „Vísindanefnd og tækninefnd Vísinda- og tækniráðs skipa fagråd Innviðasjóðs“ í 1. másl. 1. mgr. kemur: Stjórn Innviðasjóðs skipar fagråd sjóðsins.
    2. Í stað orðanna „Vísindanefnd og tækninefnd skipa“ í 2. másl. 1. mgr. kemur: Stjórnin skipar.
    3. Í stað orðanna „Vísinda- og tækniráði“ í 2. másl. 2. mgr. kemur: Vísinda- og nýsköpunarráði.
  - g. 1. másl. 6. gr. d laganna orðast svo: Stjórn Innviðasjóðs markar úthlutunarstefnu Innviðasjóðs samkvæmt áherslum ráðherranefndar um vísindi og nýsköpun.
  - h. Eftirfarandi breytingar verða á 2. mgr. 9. gr. laganna:
    1. Í stað orðanna „Vísinda- og tækniráð“ í 1. másl. kemur: Ráðherranefnd um vísindi og nýsköpun.
    2. Í stað orðanna „Vísinda- og tækniráðs“ í 2. másl. kemur: ráðherranefndarinnar.
  - i. Eftirfarandi breytingar verða á 12. gr. laganna:
    1. Í stað orðanna „vísinda- og tæknistefnu Vísinda- og tækniráðs“ í 2. másl. kemur: stefnu ráðherranefndar um vísindi og nýsköpun.
    2. Í stað orðanna „Vísinda- og tækniráð og nefndir þess“ í 5. tölul. kemur: ráðherranefnd um vísindi og nýsköpun og Vísinda- og nýsköpunarráð.
2. *Lög um Stjórnarráð Íslands, nr. 115/2011*: Eftirfarandi breytingar verða á 4. mgr. 9. gr. laganna:
    - a. Í stað orðanna „og ráðherranefnd um efnahagsmál“ í 1. másl. kemur: ráðherranefnd um efnahagsmál og ráðherranefnd um vísindi og nýsköpun.
    - b. Á eftir 3. másl. kemur nýr málsliður, svohljóðandi: Forsætisráðherra, sá ráðherra sem fer með fjárreiður ríkisins, sá ráðherra sem fer með vísindamál, málefni atvinnuþróunar og nýsköpunar og sá ráðherra sem fer með fræðslumál eiga fast sæti í ráðherranefnd um vísindi og nýsköpun.
    - c. Í stað orðanna „og efnahagsmál“ í 4. másl. kemur: efnahagsmál og vísindi og nýsköpun.
  3. *Lög um Landsbókasafn Íslands – Háskólabókasafn, nr. 142/2011*: Í stað orðanna „vísindanefnd Vísinda- og tækniráðs“ í 2. másl. 1. mgr. 2. gr. laganna kemur: Vísinda- og nýsköpunarráði.
  4. *Lög um vandaða starfshætti í vísindum, nr. 70/2019*:
    - a. Í stað orðanna „Vísinda- og tækniráð“ í 3. másl. 1. mgr. 5. gr. laganna kemur: Vísinda- og nýsköpunarráð.

Nr. 137

29. desember 2022

- b. Í stað orðanna „Vísinda- og tækniráðs“ í 2. málsl. 3. mgr. 6. gr. laganna kemur: Vísinda- og nýsköpunarráðs.

*Gjört á Bessastöðum, 29. desember 2022.*

**Guðni Th. Jóhannesson.**  
(L. S.)

*Katrín Jakobsdóttir.*

—————  
A-deild – Útgáfudagur: 9. janúar 2023